




湧幢小品

北三廿四

15
88
12





5
門 曾
號 88
卷 12

湧幢小品目錄卷之二十三

元定推演

興復舊窩

太乙數

石蟹

龍駒

蛙鳴

寶山

巨儒之象

晦菴

甲乙之科

禱兆

肄器修祀

書院燕巢

閣額

謠亂

拆字



贈硯錢

堂上金紫人

蹇太師父子

木龜

際昌時

神人紙署

高沈徐先兆

李姬

五曲異人 二則

行通神明

紀夢

夢泉

判土地


夢真

索命

夢韓

訪故址

傳佛



登龍門

夢剖腹

神人送詩

彈擊汪鏞

星鈇

夢桃

鷹禽入窻

虎跡龍風 世子孫休咎

江夏來

夢兆相同 吾書四傳學

五老人

禍淫 俗流風六七代

衡山君

館賓爵位 史尹仁為次

大司馬前驅

大士題絹 而孫模抗章

夢墨

還環 尚書化丙申巡按

鐵杵

十八尚書

薛公劍

觸舟沈香

夢之真幻

呂翁夢

夢報

神對

位不副夢

道人攜手

施藥

夢占

瞽術

師人

玉

空

夢

湧幢小品卷之二十三

湖上朱國禎輯

元定推演

紹興辛巳蔡元定在顯慶堂推演後世子孫休咎
賦云顯慶堂將後世推子孫紹復承吾書四傳學
業家還在五世因貪人產除纘俗流風六七代繼
興遺跡八九渠數終輪奐猶六代御史尹仁為吹
噓厥後子沉集書經傳註盛行于世而孫模杭輩
相繼表揚曾孫希仁以貪酷籍沒成化丙申巡按

御史尹仁入關夜夢一老人囑求棲身之地叩具
姓名曰蔡某也及至建陽訪蔡氏子孫得其所傳
家譜閱之見西山推演後世之詩中預有姓名不
覺悚然卽捐俸為建傳心堂蓋其賦毫不爽云晉
江蔡松庄先生云周子出則生一邵子知數學朱
子出則生一季通知數學其揆一也

興復舊窩

洛邑水南兩農相鬩訟于府言耕時有石一方出
田中其一云己耕田而得之一人云出自己田中

紛紜未已守郡者昇其石于府視之有文曰大明
景泰己亥知府事者虞廷璽為我復興此窩博古
者辨其地知其為康節也往視之盡為禾黍遂於
其處闢地建祠一區復上書巡撫大興殿宇殆至
百楹

太乙數

我湖甘泉先生吳琬精皇極太乙之學人有就學
者多不能盡惟何天衢盡得其術自知咎徵死兆
何湖廣營道人字道亨官瀾藩臬長平湯毛九之

亂陞工部侍郎

石蟹

鄒浩謫居昭州以江水不可飲汲于數里外後所居嶺下忽有泉濬之極清冽名曰感應泉亂石之下得蟹一枚自放于江曰余至五嶺不覩此物數年矣亂石之下又非所宜穴處也何從而出邪易不云乎物不可以終難故受之以解蟹者解也天實告之矣蒙恩歸侍立可待矣未幾泉忽涸疑之有人至門厲聲呼曰侍郎歸矣求之不可見次日

果拜赦命

楊龜山乾詩有泉甘不出戶客至豈無神之句

龍駒

蔣粹翁政和人宋季為太學生元混一天下遂歸隱于滿月山嘗言其先世家九峰山下畜一牝馬舍側有龍潭馬入浴其中龍與之媾而生駒焉龍首馬身狀如負河圖者有父老曰昔仲尼筆削六經而麒麟出今朱晦翁表章四書而龍馬生聖人之瑞也晦翁聞之遜不自居謹視芻秣後牧於山林竟失所在

蛙鳴

錢恭惠王鎮明州浚治前清瀾池以禦火既而太守李夷庚復浚之以其土益鎮明嶺之庫薄壯州治案山之勢泄與州學泮池春間蛙大鳴夷庚禁之不鳴鳴時必兆掄魁有驗

寶山

平江伯陳瑄以四十萬衆修海塘八百里於嘉定東南築土高三十丈爲海舟表識 文皇賜名曰寶山親爲碑文先是居民每望其地有山影至是

乃成若有神兆之

巨儒之象

宣德癸丑温州守何文淵于明倫堂集諸生講書有羣蜂擁一巨蜂集楹間聲聞如雷顧謂諸生周旋曰蜂有巨儒之象來科狀元子必當之周果及第第一

胸菴

劉文靖官修撰時有薦爲督學者文靖筮之得咸之九五爻其胸魚悔公曰此周公教我我自號曰

晦菴今人皆誤書爲晦菴如祖述字士雅今俱誤
曰士雅如此類甚多

甲乙之料

章楓山先生居白露山下好獎接後進和易不事
邊幅每對諸生云甲子以後天下必多事乙丑

孝皇賓天果有劉瑾擅權之禍豈心靈豫識抑別有
術數致之耶

禱兆

劉五清瑞成都人以檢討忤逆瑾告歸時江水險

惡奉母僑居澧州有姦人謀害倡言曰斯必遁逃
人也奏于司禮監可立殺乃密懲一惡少持奏北
上闔境沟沟謂禍且巨測劉亦自分必死禱于城
隍神兆曰此蠹賊庸何傷印殺自天在火之年瑾
得奏快甚則梃六旨來逮忽眩而止旣甦擲去不
省明年寘鐺反果肆赦瑾亦及誅奏者逸去姦人
迄不敢逞計其數庚午六月也爲作記著其神後
官至禮部侍郎

載熙肆器修祀

祭太中射共裝量人本既卷請軒

漳州學樂器久壞太守陳洪謨遣人求泗磬請神
樂觀知音樂羽士選俊民百餘人肄習仍刻大成
樂譜傳焉適琉球使者過漳聞而來觀皆合掌捧
手稱歎而去一日習儀開元寺見寺後有朱文公
祠已敝壞祠後有峰僧廬其下仍舊額扁爲芝山
書院以事文公陳北溪黃勉齋蔡九峰爲配又遴
選庠生數十人讀書其中士習不變郡父者相傳
文公嘗遺一聯云十二峰送青排闥自天竇以飛
來五百午逃墨歸儒跨開元之頂上蓋若有待云
守漳之二年畬人居海濱者見有大鳥飛過遺一
尾于水邊長七八尺五采炫煥衆以爲鳳尾拾以
來獻命寘之庫中略不爲異後鎮守太監遣人來
取答以火焚乃得止

書院燕巢

繁昌縣治舊俯大江後有縹緗臺形勝極佳天順
初縣內徙其址爲豪人所占後奪歸官又有侵者
萬曆四十年贖出建同仁書院凡有名士出則院
中結一燕巢

閣額

四川梁山縣舉人來知德字矣鮮有高行邃于易
學督撫交薦授翰林待詔不出額其閣曰優哉郭
青螺素相善聞之曰來不久矣優哉游哉聊以卒
歲未幾果歿

謠

吳淞江久湮童謠云要開吳淞江須是海龍王人
謂工決難成後巡撫海忠介倡議開濬而董其事
者則郡同知黃 推官龍崇武也其言始驗是

時兩月不雨工亦易集殆有弄意焉 又江山縣
久無城議立輒不果有叩乩者批曰江山縣欲成
直待金龍興後知縣余一龍至城之蓋合余之姓
名也

吳江一士夫家扶乩者有神至衆未問而笑乩曰
諸生何笑對曰我笑汝未必神耳乩曰諸生能解
謎否閏日笑曰我輩能做文章何況於謎乩曰有
二字作一謎與汝猜謂曰長十八短八十八箇女
兒低處立混沌看來一箇字四面看來四箇不衆

皆不解又曰我輩只會文字何暇及謎此曰爾說
會做文字如何考了四等第二蓋為首一生近考
名數如此乃大駭服又曰費氏到至誠裏面拜我
蓋主母在內行禮已先知之于是眾咸拜問謎是
何字則樓米二字也

拆字

郭中丞青螺與蔡見麓冢宰同官於浙是時冢宰
為右方伯有引去意一日坐弘濟堂冢宰曰子為
我拆一字指堂扁弘字郭曰公為何事曰子只拆

字不必問事郭曰公意將引去而數未能公曰何
也郭曰弘字左為弓而無丨是未能引右為么而
無上是未能去公笑曰音哉郭又曰非徒如此也
堂扁有濟字公將開府齊魯或操江又不徒如此
也堂字尚書而後歸上公笑曰是太穿鑿後其言
一驗不且亦之於公誠為一曰亦附亦附
登林贈硯錢
盧某號東樓扶溝人嘗供鄆城傳役見分宜舍人
橫索郵卒仰而呼天異日幸有兒貴願勿效若人

爲也主者聞而異之以一硯爲贈曰此經生所遺
爲若了兆受之出遇人操一夫錢狂呼於市曰蚤
登科第因以相贈又受之視其文喜曰天所賜也
歸示諸子且告之故使各勉焉一日有羽衣詣門
與語語竟入語婦曰道人來呼我我行去矣遂卒
子傳元萬曆丙戌進士副使兄弟五人皆有官職

堂上金紫人

建陽豪氏吳璋以財橫鄉曲親疎甚憚之每坐堂
上無敢過其前必窺何不在方敢入第十九郎因

窺隙見金紫人向堂立後有服朱錄數人火長儼
立驚異之疾走入門乃無所覩私喜爲家慶未幾
璋以不法爲邑丞所治至竄流遠方第亦連坐黥
徙袁州家貲皆籍沒劉侍郎岑買其室居緣是爲
請袁守免其弟歸因得服役門下適劉當歲除享
祀偶於壁隙窺之金朱緣袍恍然曩日所見者始
以語人

蹇英大師忠定公之子也娶馮氏久未有子忠定

公請楊文貞製詞禱于神樂觀齋沐親往夢有人
語以道士寫祈文有誤視之果然遂生二子長曰
霖中書舍人次曰霑尚寶丞英侍忠定鄰有隸卒
服某侍郎之役疽發背委于塗見而憐之延劉御
醫療之得不死遊句容寓崇明寺寺有中官一僕
亦患背疽垂斃延醫士張榮療之而愈後英患肺
疾甚劇醫勿效一夕夢神人告曰毋憂吾為汝增
福壽矣疾果平

木龜

鄭賜為禮部尚書待漏直廬夢神人肩一龜遺在
公盛以槃視之乃木龜也覺而語同列曰吾其不
食已越三日俟命庭內庭日將晡忽眩瞶不能支
僚吏掖出登肩輿至部喉中有聲轟然湯藥不下
咽夜二鼓逝矣

際昌時

楊石齋少時嘗夢天門開遙瞻卓楔曰際昌時而
公顯其老也復夢天門開有二幡導公冉冉以去
而公卒公殆天人稟間氣而生者耶公在位一辭

伯爵及太師太傅二辭錦衣衛千戶廕三辭文職
四品世襲廕

神人紙署

嚴文靖公嘗夢神人出二紙一署文正曰此以授
華亭徐相公其一署文清曰以授相公後華亭謚
文貞解為正公謚文靖點畫亦相近而徐方當國
嚴居家宰同心輔政神告之矣

高沈徐先兆

高文端南宇少遇老僧與談意合留之僧信未然

事竒中高詢以科第名位年壽皆得其槩并欲問
卜葬處久不敢言僧令攜榼過藕花居向一桑柘
隙地坐卽偃臥少時而起公亦未解何意後公卒
賜葬卜穴正其臥地處也又沈繼山少遇一星士
推筭終身事歷歷皆驗江陵奪情上疏謫電白病
垂死歎曰某言皆驗獨此乃大謬邪後日榮遇付
之鬼錄矣少頃筭者至細閱前書曰已悉必無他
慮疾果愈數起至右都壽七十卒卒之年坦坦無
恐怖亦不服藥蓋術者之言已定知必不免也徐

文貞少年得一夢自登探花翰林謫官復召漸次
大拜歸田葬處昏了了故所處夷險都不動心而
末年卜葬湖州亦夢中所兆不以人言為勸沮也

李姬

袁宗臯以興府長史從一世廟入承大統拜相賜
奴婢各六人初公為長史時中酒晝寢偶夢一美
姬扶牀踞請曰妾備李白洲下陳今願治相公帷
箔公驚覺對黃夫人與語異之繼而李以黨宸濠
敗妻孥没人官至是公所受賜婢李姬預為則宛

然夢中人也辭之不得夫又置酒今薦寢尋得瘥

卒

公會五曲異人

翁東崖以僉都請告削籍歸遊武夷至第五曲有
異人揮手曰別久矣記得巖下授受秘語解公大
厄乎今可回頭矣言已忽不見東崖恍然趣歸得
疾卒於清流舟中又二日抵家眉宇欣欣如生蓋
公原以本兵召值庚戌之倣疾進以四十日到京
上猶遲之將從下榻之戮夜臥夢一仙官自天冉冉

上至御榻前手翁字下拜上既寤釋然乃得以食
都視三關云

東崖貴時門前仆樹自起卒後樹即仆

平泉陸公試南宮時郡守王華夢謁帝庭下數
百人羅拜口舉善人則公名也守覺而異之比得
公會元報守語入曰此君冥行通神明他日錄位
名壽必皆第一至後果驗而云自少至老數過奇
險如顏垣墮木皆不能傷每出遊天日必照明即

甚風雨無不頓霽至老彊健九十七歲歿贈太子

太保謚文定

紀夢

陳恭介有年未卒之先月餘嘗自作紀夢云萬曆
丁酉十二月十八日之辰余臥畏天樓之從吾齋
夢徘徊一山館中已而吳灤州敬夫倪博士章偕
至余曰此中儘有佳處吳曰適來舟故在試共一
遊遂相攜入舟中舟無柁人亦無僕從漸能自移
有頃轉入山口峰巒聳拔山椒一老桂盤根膠枝

下臨清澗飛花飄灑芳香襲人逡巡稍前遙望前
山中房舍甚都相與歎賞倏忽已至艤舟而登白
石鱗次涓泉出石間若微雨新過狀徐步入舍明
廠軒揭四無牕几寂不見一人循除久之忽老僕
自外來請前報曰館罷矣余第領之又回指偉衣
冠數人自舟而陸若相就者二友曰此吾輩適來
泛舟路也遂欠伸而寤惟見牕際月影幢牒而已
念昔嘉靖丙辰南宮被放與是倪同舟東歸中間
區區聚散叵論已卽二友化為異物不啻一紀而

頃刻之夢堪為惘然若老僕之言莫可致詰豈余
病侵尋預為捐館兆耶枕上漫成二調紀之夫人
生霄壤所白晝明日而爭于善敗之場者千古一
夢也勝紀乎哉又爽然自失已其二調云山之幽
鬱盤丹桂臨清流臨清流花泉溶漾馥襲蘭舟箇
中秋思空淹留覺來牕外寒蟾浮寒蟾浮同遊安
在千古悠悠人翩翩竭來携手穿雲泉穿雲泉依
稀玉宇不見神僊箇中微明胡來前瞥然孤覺成
高眠成高眠萬緣如夢何在何捐蓋寄憶秦娥云

判土地

劉崇之兒時書齋文籍為鼠嚙戲判土地云爾不
職杖一百押出齋門是夜其師夢老人曰某實不
職煩一言於侍郎免斷次日其師以告崇之遂毀
其判夜又夢老人曰謝教授救解有少白金為謝
次早于書几上得銀一片後崇之果侍郎使金渡
黃河先一夜河口舟人夢岸上軍馬數百有神人
呼曰明日劉侍郎渡河見奉嶽府指揮令我擁護
爾等須著小心次日崇之至值河水泛漲中流失
楫舟人倉皇無措其舟自風浪中直抵岸隔河築
水中若有數十人操舟而行者

夢真

茫湖李封翁名萬平年四十八時得奇疾氣絕三
日而寤云至帝所伏庭下遙見殿中紫衣者麾黃
衣人掖以出道遇羣狙圍之翁躍馬奮刀殺狙晚
至酒肆主人持簿相視覽之即翁詩稿所與語皆
身後事病且愈後二日盥手狙之毛血凝爪甲間
夢非真夢真奇事也翁年八十三卒子遂尚書孫

材都御史

索命

戴謙為南京御史夢騎馬至清江廠有朱衣引一人索命蓬首褐衫姓李朱衣者曰盍往觀乎卽前導所過皆竹房至一家獨瓦房入門有男子臥地上一婦人綠衣紅裳簪花處其傍曰欲救之柰氣絕矣驚寤出水西門至清江廠物色得之道途屋宇及死者姓氏皆如夢所見呼其家問之乃因市肉與屠人鬪而死告以所夢舉家皆大哭婦人乃

其姊歸寧者卽捕屠寘之法一時白下盛傳之翁授王禮五經博士陳贄皆有記時正統八年四月有殞石之異

夢韓

陸浚川燦以給事中奏彈張永嘉謫官遷永新令薨櫛奸盜邑以大治上下多噓媚意鞅鞅求歸一日假寐堂中若有來訊然者曰君奚如韓子韓不謫陽山耶驚起曰異哉生平極慕韓然念不到陽山也後改其堂曰夢韓而洞山尹臺為之記洞山

蓋先生所識拔計偕者先生遂不復出榮遇與昌
黎有間而文章氣節則先後一揆矣念不修而

訪故址

陳鋼南京人成化乙酉舉人知黔陽縣有惠政陞
長沙通判議復岳麓書院初渡江有僧來迎公曰
安知迎予僧曰夕夢緋衣使君來訪故址是以來
公喜掘砌得故甃識曰陳某造適同公名乃白吉
王得故殿材成之

傳佛

傳作兩江陵人為吏部主事時朝臣諫江陵奪情
者或鋼以計典執不可與夷陵王篆爭之強因求
補外江陵沒鄉人株累無遺公獨皎然所部嶺北
捕陳卿盜千餘人鞠訊僂渠魁餘盡原之虔人稱
曰傳佛立祠祀焉撫贛中丞張岳與公兄作舟不
相中遷怒公草彈文其母聞而驚曰是非所稱傳
佛耶何可以兄故誣之事遂已後數月不令母知
坐密室理前疏而屋梁忽墜碎其案夜復夢關將
軍語之夷齊不念舊惡醒而駭汗急邀公及他僚

言其事既悔且歎公神人所共與遂更為知己薦
干朝曰貞心足耐歲寒履桑梓獨挺羣杰懿行可
表天日遭荆棘不累連枝

登龍門

魏廷用新建人父時雍少遇異人得丹書工鍊氣
術里有崇厲治無不立驗寧庶人召而問之陽為
不喻者庶人怒囚之得間亡走或言之世宗徵
拜太常博士奉詔蒐天下異書所至郡國守相緣
上意致金帛交驩一無所受三年謝病歸耻與諸
方士伍而一意督課廷用冀以儒成名困青衿中
嘗叩薊溪神夢若呼登龍門者覺而殊自負後以
歲貢授龍門令終

夢剖腹

盧柟夢至東海上遠望見霄綺雜駁金根雲霞照
曜上下海水振盪遂作滄溟賦將半倦睡夢一人
以刀剖腹抽腸尺五許瑩潔有紅黃色沃以水復
肉之遂醒終篇

神人送詩

宣德四年楊昺為浙江僉事有賊據百丈山頻出
金衢剽掠昺夜夢神人送詩云影入菱花秋月裏
人如枯草洛陽邊昺喜曰賊在吾目中矣明日進
兵圍其山盡平之後辭疾歸正統二年東西二楊
學士薦昺可大任召見操鄉音擢廣東按察使西
楊曰何為土音對曰某世楚人奈何效齊語媚時
至廣冬大雪人咸異之致仕年八十六終

彈擊汪鉉

馮祐山汝弼工科時注鉉為冢宰科道交彈注猶
奏辯不已馮疏第七上是夕夢逐一惡少過橋橋
為所斷馮佇立良久不得渡有人從橋下操舟葺
橋則窻外雞鳴矣同疏同年潘十泉子正時在刑
科上疏之夕夢一大缸缸內大黑魚一小魚數十
大黑魚翻身一躍缸水皆渾小魚為其所吞吞而
復出若死若生者數枚有頃始甦不甦者二枚大
黑魚亦死時注復上疏力訐馮疏畱中不出者三
日矣衆慮不聖意不測時屠漸山應峻為翰林侍
讀謂馮曰昨聖上置公木于几上連看數次怒

形于色急召閣老李序菴時費鸞湖宏入上天
聲曰如何不與我處我怒不能進午膳矣二老進
曰臣等待他自陳上大怒連呼曰他肯自陳他
肯自陳汪不得已疏上翌日肯下汪罷去科道
交章者十人受廷杖死者二人薛宗愷曾翀而馮
及翁溥等八人俱謫外汪亦尋死

星鉄

王鉄號蒼野以進士知常熟縣有聲輕兵龍襲倭與
鄉官叅政錢泮俱死之時嘉靖乙卯五月二十四
日也王贈太僕少卿錢光祿卿王以正德甲戌四
月十四日生父母各夢有星若鉄者墜于蒼野因
以名號曰蒼野兵出先一日邑有周解元夢兵還
時輿神主入城懼以告王王惡聞而言它邑人感
其誼畱一子占籍

夢桃

呼良朋隆萬間名將也既致政一夕夢上帝符召
偕漳南吳司馬渡海征蠻見桃爛甚時司馬已卒
曰及桃吾其逝矣果庚寅三月卒司馬名華號小

江呼號益齋官都督僉事

鷹禽入窻

有鄭老人夜得惡夢占於善卦者卦云三月十四日己卯有橫禍宜避匿不出城南潘家外孫也是日邀之家臨水窻中靜誦蓮華經適待夷歐內官使從者放鷹獵於負郭林野鷹逐一禽直入牕內同墜蓮經上老人驚以兩手重按鷹禽俱死從者追及見鷹死執老人送歐內官所痛鞭幾殞追鷹價八兩乃知橫禍之及不可逃也

虎跡龍風

平湖尹劉漢樓初第時嘗宿蓋山驛門外從人忽扣門求入問之云適夢神人促起曰虎將至汝可急入昨途中欲傷汝因見劉進士失跌而去者明早視路傍稻田內見一頭兩膝之形深入泥中儼然虎跡也又于左旗營雇舟往光化時薄暮微雨舟數十俱不解纜漢樓力強所雇舟獨行途中懊惱之聲不絕是夜抵光化次日報者云左旗營昨夜龍起舟數十隻一時顛覆溺死百餘人信乎死生

有定數也

正德年間華陰學久無舉者有蕭先生誨生徒勤甚一夕夢有告者汝何自苦舉子須江夏來爾久之尚不舉復有黃先生者來任衆曰黃屬江夏郡應矣仍不舉後有黃瑤先生以江夏訓導至衆欣然曰江夏來矣果一人發解嗣後不復乏科云瑤號逸菴雍丘人

夢兆相同

沈慶之年八十夢人遺布二匹曰吾數盡于此乎謂八十尺也果以其年賜死嘉靖間叅將薛騰霄夢人贈錦二匹量之其末微少亦以七十九卒古今人夢兆乃相同如此

五老人

俞琳初爲行人嘗使用周府舟次歸德感疾甚篤仰天歎曰丈夫志在四方卽不幸客死命耳奈老母何因痛哭失聲是夕忽夢五老人鬚眉皓白語琳曰爾母壽高爾壽亦遠病當尋愈母多傷琳扣姓

名答曰此地五老人耳且訪之則宋太子少保杜
衍侍郎王渙司農卿畢世長郎中朱貫馮平年皆
八十廟食茲土者

論林禍淫

陸中丞邛嘉善縣人子中錫穎悟絕人一日與某
生倚門有美婦過焉中錫心動某生患之投牒神
祠曰願得陰庇以遂桑中驩也中丞方寢夢神來
訪曰若子無禮吾得請于帝矣若子當魁天下今
且削為老儒某生者本無祿茲將抽其腸既寤召
中錫責問之以實對語未畢忽報某生稱腸痛絕
矣中錫自後日禺鈍終日曳白顧叅議中立知其
事嘗語人謂天道禍淫如此

衡山君

屠宮諭應竣乙巳冬病甚夢至衡山揖衡山君而
進之見大屏兩廡間曰明年正月十三日官至二
品增壽一紀晨起呼諸子曰我殆將死矣我宦遊
二十年官不踰五六二品增紀者其易歲之兆乎
如期卒

館賓爵位

梅司馬國禎為孝廉時時豕宰王公國光為子覓禮經師未得其夫人夜夢一人謂之曰公子師麻城梅孝廉也其人官爵與堂上主公同頃之即見孝廉坐堂上長髯而鼻如拳寤以告王王明日往謁麻城劉錦衣守有曰公邑有梅孝廉否劉曰有之不佞兒女姻也王即托劉延之後王與公夜飲夫人竊窺之依然夢中人也王語梅以故第遜謝而已一日王對賓僚言此事曰梅大將來名位未易涯也少宰王篆曰孝廉已非壯年即明年得第至八座亦須近三十年老矣將恐不得待也次年即成進士為縣令未滿十年為大中丞晉少司馬贈尚書夢中之言始符梅初無子近六十乃生子不殺之報也

大司馬前驅

萬曆中廣平一時有五大司馬肥鄉張學顏邯鄲張國彥曲周王一鷄廣平王遴成縣賈待問賈撫陝西禦虜還卒于臨洮巡按楊在鞏昌夢兩別駕

同入告請為制府前驅寤而異之門啓報二人卒
午而公訃至一儒生驟白母賈公召我母曰夢也
頃之又白如初是夕亦卒

大士題絹

郭青螺與劉淳寰同官閩中為左右方伯一夕劉
夢郭汾陽李鄴侯引之同謁觀世音大士為郭問
功名大士云取黃絹一幅來題其上云仗鉞終為
夏地遊長城大解聖人憂若期八座還京國暫為
馮唐渤海雷光祿云不甚解大士復批云問郭生

自知之次日光祿語郭亦莫之曉也夏地意以為
寧夏尋督撫貴州貴州昔屬明王珍亦名夏非至
貴州不悟也後以平播加右都則解聖人之憂官
亦至八座矣然在貴州者十年得請去豈非京國
難期龔遂渤海雷之驗哉

夢墨

唐子畏乞夢仙遊九鯉神夢惠之墨一擔蓋終以
文業名年五十四卒無子唐自作夢墨亭祝枝山
有記

還環

唐維城字邦翰號兩峰莆田人嘉靖乙丑進士為
青州知府有惠政官至都御史卒見夢于所屬臨
朐叅政馮子履以玉環授之曰贈此為爾子寤而
舉子命之曰環明日夢復來曰吾為郡神且滿舉
公自代期以某日故以環聘公馮漫應曰諾遂病
下血斗餘日忽忽與神接對語神趣之急馮曰有
老母在身未敢以許人也神曰若爾還我環從儿
上取授之環遂暴卒馮霍然病已馮即禮部尚書
琦之父維城守土時尚書以童子試見賞後乃為
立傳云

鐵杵

於杭陳某嘗夢兩僧跌坐室旁自後夜中時見火
光熒熒正值坐處陳異之掘視得破鐵杵長八尺
厚五六寸入冶不化時聞碧霞僧方募造羅漢贖
往施之鑄成二像宛如所夢焉今供寺中
十八尚書

禮部尚書李長春五世祖本南京禮部尚書為諸

生時常有所往其主人延接甚恭且出酒饌恣而
詰之曰夜夢神語曰有十八尚書來故供帳以待
公既始有文名聞其言益自負後行巴江有雙魚
躍入舟中其一尾帶金縷色仍即躍出夜夢神人
告曰君知魚之兆乎典謨要須再讀再者兩尚書
也至長春而驗

薛公劍

蔣雲漢巴縣人徐州監倉夜夢白面大耳冠巾者
來見曰我薛公之神也贈汝劍設有他虞擊之言
已忽有鬼物擁隨公如其言擊之輒仆既覺莫知
所謂明日舟經濟寧下閘為急湍衝覆見者謂不
可救矣頃之舟擊舟底聲聞于外人趨救之舟即
自正

觸舟沈香

萬曆戊戌副總兵鄧子龍領兵征倭渡鴨綠江有
物觸舟取視之乃沉香一段把翫良久曰宛似人
頭愛護之每入夢則香木與首或對或協而為一
後死于倭載屍歸失其元取香木雕為首酷肖子

龍南昌人驍勇善戰能盡其才亦一時名將乃存
時僅一偏裨屢為言者所攻世之不善容才乃爾
沈香其殆憐而先知願與作伴作面目乎

夢之真幻

孔子夢周公志也不言文武莊生蝴蝶寓也不言
鯤鵬今人學為儒者必曰夢孔子學佛者必曰釋
迦大士學老者必曰廣成老聃代耶幻耶是乃夢
夢耳

呂翁夢

呂翁祠在邯鄲縣北二十里黃梁店李長沙詩云
舉世空中夢一場功名無地不黃梁馮君莫向癡
人說說與癡人夢轉長端溪王崇慶詩云曾聞世
有盧生夢只恐人傳夢未真一笑乾坤終有歇呂
翁亦是夢中人

夢報

楊雄蜀本紀言張儀築城依龜行迹築之後龜殼
藏酒庫長六尺高崇文截為帶跨龜夜見夢曰無
事相屠一一相報後崇文誅死尸二十餘段如帶

之數此與潘妃毀玉為釵同然龜剝于生時而報
仇于朽骨者何可見發塚棄骨而得顯禍固不虛
也

神對

劉珙少時嘗謁夢于大乾惠應祠夢金牌上有曲
巷勒回風五字未曉所以迨登第除諸王宮教授
一夕上幸宮邸問諸王何業珙答以屬對時月照
牕隙上曰可令對斜牕拗明月諸王方思索間珙
遽以曲巷勒回風對上曰此神語也

位不副夢

陳軒字元輿未第時夜夢一官府前有兩高門門
各有金書額一曰左丞陳軒一曰右丞黃履其後
履官至右丞軒止龍圖閣直學士軒暮年謂諸子
曰吾白屋起家平生不作欺心事今位不副夢嘗
思昔守杭州有違官以一老兵執送府欲杖之此
兵年餘七十不應杖遂聽贖俄違官折簡相責不
獲已復呼入亟命行決卽死于杖下至今二十年
吾未嘗不以自咎也違法徇情殺人招譴宜不登

顯位汝等戒之方軒夢時左右丞乃寄祿官後始以為執政豈法令變更幽冥中已預知耶

道人攜手

霍敖魚井陘人為倉曹掾其父生日歸上觴留其僕張斗于倉郡大夫詰問斗倉粟若何今有幾斗不能對子杖創痛數日死斗父蹋門而詬汝飲酒樂而令吾兒代汝死子敖聞之驚懼喪箸痰驟起咽如車輪轉石醫藥之不受卒先一夕夢道人赤壯子攜其手而吟曰兔葵無草蟻酒無水一人來叩

湧幢小品目錄卷之二十四

百壽

宰相具慶

母壽 三則

三世高壽 二則

大臣壽考

壽而死難 三則

前身

僂俠 二則

嚴闈黎

下友鶴

張明經

侵隣居

薛滿八

供養報德

樵陽子

三生照水

白李

夙慧

升座詞辯

遂初老人

神童詩

雞聲詩

蓮池黃花

韓五泉

十榮議論

染巢鵲

捷對 七則

公車有名

袁氏神童 二則

識難字

書大字

異林記 三則

湧幢小品卷之二十四

湖上朱國禎輯



百壽

大壽字一軸御史張穀之家藏者張始祖曰子成
贅周景端氏景端無子盡產遺之此亦其一自子
成傳六世至數書畫多盡廢此貯神龕中得獨完
取而裝潢之字崇四尺有七寸廣殺其寸之六楷
體黑文其點畫中皆小壽字白文一一作別體滿
百無一同者自庖犧成八卦頡皇創六文而字書

浸繁秦有八體漢有小學十家世增人益至晉徐
安子已集五十六體矣齊王融又圖六十四書韋
仲定為六十九種謝善塤增九法合成百體繁不
已劇邪庾元威書十牒屏風作百體若懸鍼垂露
金錯玉文鶴頭虎爪倒薤偃波與夫日月風雲仙
人科斗麒麟龍鳳龜魚馬羊猴雞大豕以及銘鼎
幡信摹印刻符署胡蓬相行草飛白無不備矣然
他書若填奠蚘脚猶有所遺蓋書之作比類象形
而成文物類無窮則文字亦無窮也奚啻百體哉
今壽字百體多晚出而鮮古傳然非精書者不能
為考其間時有疎繆蓋傳摹之本然大字宏壯若
樓閣小字精微如刻鏤而一字百體世所希見足
以聳竒觀資博識亦可謂難得者

宰相具慶

唐至玄宗宰相二親具存者惟郭元振一人國
朝則常熟嚴養齋訥興化李石麓春芳江陵張太
岳居正

母壽

趙隱父存約死李絳之難隱與兄鶻廬墓十年闔
門誦書躬耕不仕後親友敦勉始應舉歷官宰相
鶻亦至觀察使既輔政他宰相及百官皆詣第慶
母歲時公卿必叅訊懿宗誕日宴慈恩寺隱侍母
以安輿臨觀宰相帥百官拜恩于庭回班候夫人
起居縉紳以為榮後崔彥昭張濟皆有母遂踵其
禮子光逢光裔光胤皆顯

永樂中夏少師原吉元宵奉母觀燈上撤御膳
以賜仍賚鈔二百錠庭臣往賀世宗朝熊大宰

浹唐太宰龍各有母年九十餘生日皆被賜賚

宮詹孔公恂大學士李賢之壻其子彥喆賢而早
世配王氏守節表閭年至百二歲

三世高壽

世廟朝崇德隱士周德茂年百有三歲子年皆七十
餘孫且五十扁其堂曰上壽其曾孫為給事中猶
及見之

章皇帝時韓王護衛朱氏者父子皆幾伯歲又皆身
見玄孫詔褒之復其家月賜石米二帛

大臣壽考

我朝閣臣壽最高者惟劉洛陽健年九十四我浙
魏尚書驥年九十八蕭山人胡尚書拱宸年九十
四淳安人陳尚書雍年九十三餘姚人皆官南京
皆高壽皆致仕歸皆存問完保名節先後相望真
盛事可述我湖茅鹿門坤孫屏石銓皆嘉靖戊戌
進士皆憲副皆九十餘皆多子皆過後戊戌數年
近年陸宗伯樹聲九十七華亭人楊太宰巍九十
三海豐人畢司徒鏘九十二石埭人方侍郎弘靜
九十五歛人

壽而死難

壽高是美事然儘有老而受禍者高要人梁致育
字遂初以明經舉鄉試為訓導六典文衡志行高
潔致仕家居與修郡志天順二年被流賊掠去逼
令講書厲聲罵曰蠻奴若曉禮義必不為此賊不
忍害以竹輿舁之時年九十六目瞽謂舁者曰至
涇口深處白我遂投淵而死嗟乎篤老盲人何不
先一二年考終而構此難耶子穉孫瑜曾孫鏞皆

舉于鄉有清白聲
王英字邦傑益都縣人性剛果善騎射為莒州千
戶至元中毛貴兵至英年九十八謂子弘曰我世
受國恩今老矣雖不能事戎馬尚忍食異姓之粟
求生耶自餓歿嗟嗟命當餓歿乃與高壽數固不
可逃耶

前身

大明寺前有平山堂歐陽公守揚州時所創負堂
而望江南諸山歷歷在簷楹間與堂平故名公政
暇輒往遊嘯咏竟日而返及歿後有右司郎中糜
師旦慶元十一月遊堂中宛如疇昔所經獨歎惜
壁間字畫堂前楊柳之不存耳翌日渡江適其兄
倅京口卽移柳數十本屬楊師趙子固為補植且
寄詩云壁上龍蛇飛去久堂前楊柳補來新一生
企慕歐陽子重到平山省後身是夕舟行兄弟對
語至戊夜方寢晨起師旦逝矣先是公登第時過
婦家姑蘇之黃渡飲於園亭夜半忽屏間有大書
太師字秉燭聚觀墨影隨滅人謂公他日必遠到

至是始悟歐陽官至太子太師益驗後身之句云
萬曆中我郡吳平山秀來為守見堂額同其號大
喜曰此為我也太加藻飾復築梅花嶺增亭館其
上為一郡勝槩後為忌者所毀而平山石刻二大
字携歸砌于家園玉皇祠之下曰歐陽子有知必
能亮我心也

僊俠

寇萊公有妾舊桃隨南遷再移光州舊桃泣曰妾
前世師事僊人為俠今將別去敢有所托願葬杭
州天竺寺吾向不言恐泄陰理今欲去言亦無害
公當為世主者閻浮提王也公不久亦亡有僧克
僅見公於曹州境上擁驢北去克僅詢問後騎曰
閻浮提王交政也

萊公謫雷州道經我湖至安吉有霧山寺僧異其
貌禮之畱款數日題其壁而去

嚴閣黎

王梅溪少時有鄉僧每見必謂曰此即嚴伯威後
身也王不曉所謂既而訪諸叔父寶印大師叔父

曰嚴閣黎字伯威汝祖母賈之兄吾之舅氏且法
門之師也博學工詩文戒行修飭有聲江淞間為
士俗所推重汝父母以無子為憂禱求甚力至政
和壬辰正月師卒汝祖一夕夢師至其家手集衆
花結成一大毬字汝祖而遺之曰孝祖君家求此
久矣吾是以來忽不見是月汝母有娠至十月而
汝生師眉濃黑而垂目深而神藏兒時能誦千言
喜作詩人以汝眉目及趣好類之且符所夢又謂
師死之月汝即受胎故云王幼從學鹿巖人有指
其眉垂目藏而靳之者表文賈元達曰此子眉目
類吾伯嚴閣黎他日能文未可知王曰閣黎智慧
縱未脫輪回當復生人間世為大善知識胡為於
滅度之後現此窮薄困苦之相王嘗寫字作文詒
寶印叔父叔父曰人言汝吾師也文僅似之字乃
爾不同何邪嚴閣黎尤工筆札王頗拙于書故云
因自嘲曰嚴閣黎汝前生食蔬何多智子今生食
肉何許迂因為之記

成化中大宗伯周洪謨中鄉貢日舟泊邗江夜見
一異人謂曰吾卽子之前身也前程萬里終身清
要周曰子何人對曰吾友鶴丁山人周官南京翰
林日以詩訊太守三原王恕曰生死輪回事杳冥
前身幻出鶴仙靈當年一覺揚州夢華表歸來又
姓丁王得詩甚訝集郡之耆老訊之羅文節曰友
鶴山人吾友丁宗啓之父以詩名家元末隱處至
建文元年歿于成都以儒雅重于藩王有德人也
王卽以此回報宗伯世以爲異迥合羊祜房瑄之
事云

張明經

張越吾三輔人明經待試中煤毒死無子止一女
曰喜姐字同鄉李上舍子死之日李在北雍因經
紀其喪檢閱篋中裝有珠一封題曰備喜姐少粧
李悉識而封之爲護其喪歸甫抵家張婦出哭而
謝備陳所爲經紀事若日見者李異而問之張婦
曰先凶問未至妾有夢夢夫君倉皇歸家言死後
得君周旋今我爲江都城隍當時時歸家視汝李

異之凡五六年忽一夕李夢張至其家呼曰我得
投生人世在高唐州城外十五里村中林秀才家
爲之子秀才名接武六年後謁選當貳某邑時喜
姐計已適君子當携之行經高唐幸爲我少駐須
遣來童一訪我與女一面來童其故臧也李驚寤
識之及期謁選果若夢所擬乃携家過高唐遣來
童訪之過城約十五里許問所謂林秀才名接武
者人云秀才已故衣巾矣前牆門內有兒坐其間
者卽其家也來童至彼未及啓口問兒兒卽呼之
曰來童汝來乎來童驚曰兒何自識我兒曰我故
汝主張越吾也已則李夫婦與喜姐來兒初持李
泣且謝之已携喜姐手以泣言汝母孤苦今奈何
州守曹某上其事于郡郡伯羅檄召之林生抱兒
入兒長揖稱羅曰公祖若猶自謂明經也語前生
事歷歷

侵隣居

朱瑄鄆縣人弘治中督漕運嘗以微疾臥郵舍詔
侍吏曰若等有異聞乎其以語我吏曰里中有陸

氏者茹而橫侵其隣鄭氏盡其產撤其居以為己
宮室苑囿所餘唯嘉樹一本陸氏晚得子而暗數
歲游于庭忽指樹而言曰樹乎汝猶在邪家人大
驚已而復暗不語百方誘之終不出一聲稍長荒
淫戲傲靡所不為家罄乃死人曰是鄭氏後身云
朱曰信乎曰信盡召其里人問之亦皆曰信後朱
過人必以告焉

薛滿八

薛鳴岐閩人父曰如岡生三子長即鳴岐少頑獷
不馴而有幹濟才以倭難同父母避居三山貿易
為生饒機變射利如隼不十載累千金駸以驕奢
妻俞氏岐婦人也相與計吾夫婦勤苦有尺寸而
仲季安坐享之不能平因時相鬪鬪母從偏解之
擲鐵器中母額幾殆父屢誚責不悛將訟之官鳴
岐挾利劍恐喝其父曰訟我我即屠若家父無如
何則以丙夜焚香書其罪狀訴之帝如是久之忽
夢一道人語曰汝前生嘉善人也尉嘉祥家二十
口有金三百兩遇強賊薛滿八盡殺死沒汝金今

來為沙子父醒書之籍心念此兒以償債來其不
久矣遂罷不復訴未數日鳴岐疾作徧體如刺號
呼之聲人不忍聞屢自經求死家人持之則叩頭
求哀曰速與我死免人磔我也其舅臺山先生方
為諸生往視入門即呼舅救我曰何方可救曰與
我死即救耳如此者彌月乃死俞氏屢舉子不育
妾遺腹生子未周歲亦死遂絕不嗣而如岡收其
遺貨歸故居與妻葉皆以安樂壽考終

供養報德

咸寧胡叔元字允卿第嘉靖乙未進士時終南有高僧淨教戒行脩潔始居寧夏寧靜寺與元大王父璉友善嗣後元王父襄陵尹汝楫至咸寧而淨教亦來居終南豐德寺論交益厚襄陵子姓以師事之教每言曰吾受若供養厚吾當為犬以報若德正德甲戌四月十九襄陵假夢見教入室已而變虎躍出驚寤語其子佑異之語甫畢佑之室生元矣時漏下乙夜及明聞叩門聲訊之教弟子來曰師夜二鼓示寂矣襄陵益異之歲當甲戌其為

夫之驗乎遂以和尚名之及長不茹葷飲酒弱冠
登甲午鄉薦明年連第忽忽不樂無何病大漸乃
言曰功名誤我時父佑在都為裏中憤元攬鏡顧
視笑曰原一僧也易形為儒今乃裹巾若道士然
本來面目固如是邪語畢而逝

樵陽子

蜀灌縣青城山有樵子大足縣人姓雷方誕育有
踞而募于其門者父母因呼之曰化緣可二歲隨
父母往安縣父母皆死縣氏陳和養為子凡十餘

歲陳夫婦亦死遂投青城山下童翁家童又貧無
所得食則入山斫柴售灌縣人以活灌縣人持升
米或碗許米市其柴盡一擔樵子不計也一日入
山天大雨雪迷失道益深雪盈六七尺許所見惟
高厓萬丈古木架陰壑飛鳥都絕忽一老人鬚眉
皓白執拂子招樵子坐頃之又一老人貌頽腹便
便衣大袖紫衣亦來共坐如是累月並有所指授
已乃導樵子大樹下指曰是中爾前身所托也坐
樵子石上設十二拜禮甚恭號之曰樵楊子人因

以稱云老人既去樵楊子徘徊巖谷間往往聞隔
厓彈琴聲或人聲及跡之無有也結跣跌大樹下
凡百數十日敗衣掩形頽然槁木采藥人遇而恠
之佛耶仙耶頗以語灌縣人轉相語羣走物色識
爲童家兒是兒陷雪窖一年久矣曷不死寒餓死
虎狼乃作如是相事聞灌縣令景某駕而之山中
臨問狀所對斑斑應古記非童子口吻也自言吾
前身在樹中令便使人斫樹樹轟然若雷震者火
發其腹劃然開現委蛻焉髮垂額覆領指爪繞身
其貌像則樵陽子也令驚嘆而返尋並蛻坐處得
一石匣匣有文字秘不傳有布衲有鐵冠緜樵陽
子先自有劔劔柔繞指今失所在其時令下放製
龕奉樹蛻築菴居樵陽子於是其名一日傾動州
郡士庶競來瞻謁樵陽子遽能談人未來事又能
已人疾來者愈益多苦之乃避匿安縣之天池山
士庶則亦走天池趾相錯其自鄉薦紳以迨官長
車蓋相望而獨石泉鄧令某憐墨吏也問丹何居
樵陽子云爲令廉而仁是官人外丹令疑誚已而

孫弁其將因緣為功陰教令名之妖人上變告臺
司追捕毋釀亂事下成都張丞某速治樵陽子朴
野至則箕踞而許丞大恚罵何物囚敢爾痛撻之
無苦也繫囹圄三月獄上而王觀察某持廉其非
辜覆丞牘身為白艾中丞穆是夫童而好脩安所
涉人間世而惑眾為事得解久之譚中丞希思來
檄所司即向所築菴建大通觀遣還山厥後凡開
府及領藩臬至皆率召見樵陽子率一再往不拒
顧其意忽忽不自得會毘陵吳叅政捧表過家

謀挾之來江南燕陽子酒然從焉來則止永慶寺
亦數過錫山龔方伯勉城南別業稍一游武林西
湖所至江南人就徵未來事若丐已疾者麋集樵
陽子不甚答間露一斑即往往竒中其在山專餌
生黃精出乃復火食食止蔬素然終歲廢便溺良
有絕異者故未名強而自名曰思道亦書出山後
事未幾辭去相傳其大父孔文進士也與內江趙
文肅同榜友善父鳴春

川中王李趙三生幼同學後王官都督僉事李官
方伯趙則老儒家貧讀書不輟一道士能知輪迴
三人相約往扣令注水自照都督見一虎出穴獵
夫睨而彎弓方伯止一猪首老儒則垂齧諸生鼓
樂迎綵亭榜曰神童云

白李

洪武己酉吳山三茅觀雷擊白蜈蚣長尺許廣可
二寸有楷書奏曰起三字

雲南趙州永樂間雷擊死一夷人朱判其背曰木
子唐朝一佞臣罰他千劫在牛羣而今逃脫為夷
士霹歷來尋化俗塵火烙字曰李林甫

夙慧

凡早慧者固天授之奇亦因前生夙習未及發而
轉于後一見其奇也相傳閩戴大賓少年及第未
幾死觀歸父發而視之瞿然一白鬚翁也可見老
而久煉則復少容少而速殞則見老態去住總只
一人老少亦何分別

升座詞辨

員半千之孫倣九歲升座詞辨注射坐人皆屈乃
李長源之甥也

遂初老人

王應麟之孫厚孫八歲能詩十歲能詞賦為象山
教職調浦江歸養累薦不起自號遂初老人性介
潔文法三代兩漢有遂初集三十卷

神童詩

汪洙字德溫鄞縣人九歲善詩賦牧鴛鴦宮見殿
宇頽圯心竊歎之題曰顏回夜夜觀星象夫子朝

朝雨打頭萬代公卿從此出何人肯把俸錢修上
官竒而召見時衣短褐以進問曰神童衫子何短
耶應聲曰神童衫子短袖大惹春風未去朝天子
先來謁相公世以其詩詮補成集訓蒙學為汪神
童詩登元符三年進士仕至觀文殿大學士謚文
莊仁厚忠孝著聞于時子思溫思齊孫大猷皆至
大學士

雞聲詩

劉崧字子高吉安府泰和縣人舊名楚國初改

今名性仁厚且穎悟絕人七歲能賦詩世父夜寢聞雞聲因命為題應口成一律末云喚醒人間蝴蝶夢起看天上火龍飛力學不倦遊南昌有稱十才子者皆出其下

蓮池黃花

陳宗遼海衛人性穎悟異常初城南蓮池忽生黃花一莖其大如盤色艷甚一術者見而異之曰是花世所罕有城中當出一奇士未幾宗果生四歲能書五歲善文號神童尤長于篆刻十八歲進士

任刑部主事

宣廟奇其才陞為尚寶少卿卒年

二十七遣官諭祭

韓五泉

韓苑洛先生之弟邦靖字汝慶號五泉有奇質少讀論語至文王至德篇若有所思父蓮峯先生問故曰若是則武王非乎蓮峯為福建按察副使渡江母子各一舟五泉泣請同舟曰豈以波濤叵測父母皆不可離耶以百餘錢擲于地命一視即收答曰錢若干悉如其數百試不差皆五歲時事嘗

與客夾背坐不視局以口對奕者始終不差一着
與苑洛公二十一同舉進士二十二同為部署二
十七同以進諫罷三十四同起用為叅議然三十
六竟卒而苑洛為尚書五泉孝友過人詩亦清發
奇士也又先後同下獄

士榮議論

苑洛外孫張士榮南陽人九歲讀書皆識其義年
十七從苑洛于景問以致太平之道對曰今之舉
子業與前代不同經書傳註皆 祖宗之制律例

者國之成憲今為文不詳傳註治獄不依律例祖
宗制度違越如此况望其學古議事欲致太平必
先正此二者蓋致天下之治在郡縣而它日為吏
皆痒序之士也苑洛又與僚友贊一大臣士榮屏
後聽之客去進曰所論兒姝未諭大臣與言官不
同言官遇有缺失即當言大臣審其必見納方可
言若明知不能行身徒竄殛取美名使 朝廷添
一過舉四海加一瘡痍非大臣忠愛之實惟曰以
道事君不可則止苑洛大奇之後卒年僅二十八

苑洛深痛惜之

染巢鵲

王佐字廷輔山西遼州和順縣人父義為譚城驛丞有中貴駐驛久不肯去人厭苦之佐方幼夜密令人取庭樹巢鵲黑身朱喙而縱之中貴見之驚詰館人皆驚以為不祥遂去佐舉成化戊戌進士官南戶部尚書子雲鳳號虎谷官僉都佐廷試時黃榜填畢少一卷求之不得或曰狀元卷封內若有二啓之則佐也遂足榜尾名之首尾亦有數如此

捷對

郭中允希顏泰和人幼時與一長者浴於池偶一龜浮水上長者出對云龜浮水上分開綠中允對云鶴立松梢點破青長者竒之妻以女尹文和公直少入學堂嘗穿圓領塾師眇一目出對嘲之云牧童也學穿圓領應聲對云瞎子何曾見大衣裋皆失笑

翁邁字仲和崇安人年十三以聰慧為郡舉首邑

宰歐陽竦試以對曰筍出鑽鑽天應聲曰草生釘
釘地郡守元暕以幼不甚禮之問曰小解元讀何
書應曰詩之相鼠篇蓋諷之也守無以難迨宴鹿
鳴小妓就之覓詩即題云年未十三四嬌羞懶舉
頭爾心還似我全未識風流守大稱賞

陳祐山汝弼之子敏勛少慧九歲從祐山鄱陽舟
中祐山指筆架作對云筆架如山應聲曰碁盤似
路又曰蘇家三父子文章可法對曰程門二弟兄
德義堪尊未幾卒祐山平湖人進士官給事中彈

汪太宰鉉謫官詩文清麗長子敏功亦舉進士官
布政

蘇福潮陽人

一曰惠來人

有夙慧再歲而孤五歲不言

一日見道上死蛙曰出字也聞者驚異時有驛丞
遇福拾穗隴上戲曰拾穗與神童應聲曰折梅逢
驛吏矢口成章下筆若有神助率多此類所著有
秋風訶紈扇行及賦三十篇卒年十四
此段一作董圮
周一經貴谿人六歲從父入郡晨旭方昇顧使屬
對曰東方日出天開眼應聲曰西嶽山高地出頭

又王格京山人五歲父讀書蘭若來省侍几側令對曰春臺四角正應聲曰佛殿兩簷高後皆舉進士為顯官

張辰陝西安定人穎惠絕倫二歲從父官上黨所過山川道里概置若城郭廨宇園亭久而不忘指畫成圖所問響應不窮父嘗以句屬對云晚霞高掛無煙野火燒空應聲曰新月初懸沒綫銀釣釣海平涼趙中丞浚谷父之受業師也聞其奇使侍立而試之曰一日心存十二時對曰九重策獻三

十字又故難之曰秋雨連綿簷前如奏九霄音丁丁當當驚迴幽閨淑女夢夢不成夫戍蕭關對曰春雲縹緲空中似放五毫光往往來來動起他鄉游子思思無窮親雷瀚海以諸生老子國紳進士戶部主事

公車有名

崑山張玉山廷臣與吳中英歸有光俱有名公車玉山父寬為錢唐令方五歲署中火覓公不得乃自寢抱印出走矣有偽檄至公識之問何所得曰

以前檄篆得之有塾客邀公飲西河而主具乃一
吏拂衣歸偵之則吏以侵藏錢見告是時甫八歲
後不第死孫棟進士都給事少卿有直聲文柱舉
人為同知稱良吏

袁氏神童

倭人貢道蘓州聞袁永之之名延見唱和累日贈
以奇珍時年十餘歲郡中諱傳袁氏有神童

袁後年二十四發解次年登第二甲傳臚庶吉士
張羅峯嫉諸吉士請外補習吏事得刑部主事改

兵部官提學僉事卒胡端敏深重之

袁改武選主事部署忽火莫知所起須臾焚燹盡
與陳侍郎俱下獄部有巡風主事楊姓者宜往公
代之未及入而火作公獨承不及楊榜掠百餘謫
戍湖州過潯中題詩于御書閣壁間至湖寓慈感
寺郡守長樂陳令諸士從受業拒不受凡三年
袁冲太子生赦歸又十年薦起為南兵部

識難字

嘉靖年間御史余光薦聞喜縣異童董應嘉年三

歲未言四歲始言一言自能誦千文及大學序能
識千文難字其父董才抱以視光光試之得實且
知俯伏興拜從容循序略無嬉懼奏聞光江寧縣
人子孟麟甲戌及第余官南中識之年七十九生
子後竟無嗣也

書大字

萬曆甲午廣東順德縣李氏生子名世嶼二歲不
言善書大字如白沙先生體四歲時貴陽馬御史
文卿按廣東召之見抱膝上令寫手甚小握甚固
作字如碗口大揮灑甚疾蓋神童也或曰有物馮
之未可知

丘養浩晉江人三歲父抱謁外氏他日潛往家人
愕不知所向覓得詰之答曰門墻紅圻折而小巷
知為外家也蓋外家巷連學宮公早慧即能辨一
日游戲外氏園中拾巨珠以奉外祖祖曰何不與
爾母答曰寔翁家物安得奉母

異林記

所輯夙慧數款甚少惟異林記詳備今并大年一

款稍訂正錄於後然出於玄禪二門者沈漾又當別論削去之

黃帝十歲知神農之非而改其政出鄧子顓頊十歲

佐少昊帝王世紀禹年十二為司空代鯀治水出傳子蒲

衣子八歲舜讓以天下尸子皋子五歲贊禹項橐七

歲為孔子師列女傳周靈王太子晉八歲辨服師曠

逸周書魯仲連十二折田巴於稷下魯連子甘茂之孫

甘羅年十二為文信侯見張唐使之相燕羅請躬

說趙王趙因獻秦以五城秦國策漢楊烏九歲與其

父子雲太玄有荷戟入榛之語劉向別錄張霸七歲通

春秋號張魯子益都耆舊傳張堪六歲受業長安號曰

聖童宛人任賢年十二明詩易春秋號任聖童後漢書

孔融十歲盛憲見而異之下車載歸結為兄弟

升堂拜母會稽典錄楊周七歲時孔君平詣之設楊梅

孔問楊梅是君家果耶周答曰未聞孔雀是夫子

家禽金樓子何宴七歲明慧若神魏武奇愛之養於

宮中欲以為子世說親語賈逵十歲暗誦六經王嘉拾遺

侯淵之子榮字幼權七歲屬文日誦千言經日輒

識文帝聞而請焉賓客百餘人人一奏利榮一覽

即能歷舉其鄉邑名氏郭頌世語魏武幼子蒼舒生五

六歲智意所及有過成人孫權曾致巨象欲知其

重舒令置象大船刻其水痕稱物校之即得輕重

魏志王弼十歲便好老莊通辯能言何寧題曰斯人

可與言天人之際矣世說陸士龍六歲便能賦詩

時人以為項託楊烏之儔世說何遜集初傳入洛

元文遙時年十歲一覽便誦邢邵謂此殆古來未

有後魏書梁昭明太子三歲受孝經論語五歲徧讀

六經簡文帝六歲能文攬筆立就武帝以東阿日

之出梁書顧歡六歲作黃鵲賦謝貞八歲作春日閒

居詩有風定花猶落之句為尚書王筠所賞虞荔

九歲往候太常陸倕倕問五經十事荔對無遺俱出

南史王勃六歲善文辭九歲作顏師古所注漢書指

瑕以擿其失李百樂七歲知瑯琊之稻出左傳注

開元間召能佛道孔子者相答禁中童子員倣九

歲升座詞辯注射坐人皆屈是日倣又薦其舅子

李泌泌年七歲召入使張說試以方員動靜說因

賀帝得奇童

新唐書

賈言忠數歲諷書日萬言七歲

以神童擢第

唐世注

聞喜人裴敬彝七歲解屬文性

大端謹號為甘露頂

舊唐書

後唐莊宗年十一從晉

王討王行瑜入覲獻捷昭宗異之曰此子有奇表

可亞其父賜以鸚鵡酒卮翡翠盤因號李亞子

此夢

瑣言宋張九成八歲默誦六經通其大旨父積書坐

旁命客就試酬答如響

出宋史

晏文獻殊楊文公億

皆舉神童晏年十四楊年十一真宗親試九經不

遺一字又試詩賦請至五賦乃已

葉少蘊避暑錄金太宗

時東平童子劉天驥七歲能誦詩書易禮春秋左

傳語孟章宗時益都童子劉住兒年十一能誦大

小六經工詩賦所書行草有法孝行夙成召至內

殿試鳳凰來儀賦魚在藻詩賜經童科出身

俱出經史

國朝李文正東陽五歲以童舉楊少師延和年

十二舉鄉試高等

弁州別集

李文正公東陽六歲時與

學士程敏政皆以神童舉

純皇召見過宮門不

能度

上曰書生脚短李對曰

天子門高時

上御羞有蟹

上持示二子曰螭螭一身鱗甲東陽

對曰蜘蛛滿腹絲綸敏政對曰鳳凰遍體文章
純皇贊曰他日一個宰相一個翰林卒如所言雪濤小書
群臣皆賀

佛言修摩那沙彌年向八歲得四神足及得四諦
之法增一阿含經舍利弗生始八歲誦十八部經通解

一切義摩伽陀國嘗設大會作樂談義舍利弗便
陞論狀結跏趺坐問答之間辨理超絕智度論釋道

安七歲讀書再覽能誦年十二出家神聖聰敏師
與光明經一卷不減萬言安覽畢即還其師覆之

不差一字釋寶誌產鷹巢中手足皆鳥爪朱氏婦
聞其啼梯樹取養之七歲依鍾山僧出家修習禪

業與人言始若難曉後皆效驗釋法聰八歲出家
卓然神秀陝郡人辛七師十歲好浮圖法日閱佛

書自能辨梵音不由師教俱出神僧傳曇無讖本天竺
人十歲誦呪聰敏出群日萬餘言初學小乘後得

樹皮涅槃經讀之驚悟北涼錄

大年

周穆王一百三十四歲召公奭一百八十歲出王克論

衡

一云召公百一十九歲竹書紀年太公望百四十歲

金石錄老聃生子殷時為周柱下史轉為守藏史積

八十餘年入大秦時蓋二百餘歲高士傳卜子夏一

百三歲出榮齋隨筆漢文帝得魏文侯時樂人寧負公百

八十歲兩日皆盲出桓譚新論齊東宮得疾隱居嵩岳

壽三百餘歲出嵩山志後魏正光初有隱士趙逸來京

師云是晉武時人晉朝舊事多所記錄號為聖人

不聞養生自然長壽言郭璞為吾筮壽五百今始

逾半蓋二百五十矣洛陽伽藍記魏侍中羅結一百七

歲猶總三十六曹事百二十餘乃卒出北史梁鍾離

思遠百一十二歲凡七娶妻有子十二人出南史漢

丞相張蒼年老吮婦人乳汁得百八十歲抱朴子荆

州上津鄉人張元始年九十七方生兒兒遂無影

元始百一十六歲乃卒出南史梁武帝太清元年海

中浮鵠山有女人年三百歲遣使獻紅席有女道

士四五百人年並出百歲出南史唐開元東封太原

人于伯龍詣闕年已百二十八歲其子老死兩孫

隨行各年七八十歲出舊唐書唐南昌人錢朗累官光

祿卿百七十乃卒出一唐會昌五年胡杲吉叡與

白樂天于東都履道坊為九老會洛中遺老李元

爽年百三十六歲杲八十九叡八十人劉真八十

七鄭據八十五盧真八十二張渾七十七白居易

七十四出白氏長慶集宋初羅浮山有陳崇藝者年百二

十自言兒時見山下有船數十人去海四里矣羅浮

山記宋太宗時瓊州人楊遐舉年八十一其父連叔

年百二十二祖宋卿年百九十五並存猶有九代

祖居雞窠中如小兒見人出頭下視不語不食出

微志又池州有一村皆查姓有翁媪兩人是其村

不知幾百歲各長三尺腦後一髻擁以綿衣唯露

首面兀如土木但目能運轉舌能飲酒夷堅志

國朝親郡王壽考者肅恭王貢錦東阿王秦懋俱八

十一益恭王厚炫堵陽安僖王同鉉內江莊懿王

友藩襄陵恭惠王範址樂平定肅王冲焚俱八十

二襄陵安穆王徵鈐唐山恭懿王勛徵俱八十三

慶成恭裕王表欒八十七安化惠懿王秩煊八十

八襄垣安惠王仕垓九十一垓子成鏗襲封年九

十二見封長曾孫克煌乃卒

王弇州別集

國朝大臣眉壽至九十者陸文定樹聲九十七

干穀峰集

江侍郎治九十二

謚議公冊

魏文靖驥九十八劉文靖

健九十四王端毅恕九十三尚書胡公拱辰尚書

陳公雍大理寺卿葛公浩俱九十二王尚書學夔

九十四湛尚書若水應尚書大猷俱九十五南兵

部尚書郭宗臯九十刑部尚書錢邦彥喻茂堅俱

九十一

王氏別集

大臣八十以上者胡忠安澹韓司寇邦問蔣恭靖

瑤方尚書鉞俱八十九鄒宗伯幹殷司寇從儉李

太宰裕張太保子麟馮司寇岳俱八十八王恭靖

璟潘恭定恩俱八十七馬端肅文升林司馬瀚韓

忠定文章文懿懋高襄簡友璣劉清惠麟董宗伯

份嚴分宜嵩俱八十六王靖遠驥孫司馬原貞焦

泌陽芳俱八十五王文端直王忠肅鞞賈文靖詠

朱恭襄希周呂少傳本俱八十四黃文簡淮胡賓

容儼尹文和直陳太保金謝文正遷毛文簡紀羅

文莊欽順顧宮保應祥胡司寇松俱八十三俞司

寇士悅雍司徒奉洪太保鐘徐少師階王別集禮部

侍郎習禮八十九戶侍郎萬虞愷大禮卿夏時正

八十八右副都御史孫曰良年八十七都督同知吳

良洪武中以蕃將來降成化中卒年九十九弇州別集

太守林春澤一百四歲太史王革一百歲出王同執耳談

韓府郡牧所千戶米政言其曾祖信百六歲而終

祖全百二歲父鏞八十二歲俱見存弘治中太倉

狀元毛澄祖毛弼百歲有司為建人瑞坊洪武中

崑山耆老周壽誼百十六歲入見賜宴及鈔幣天

順中京師人茹大中百有四歲入見便殿賜宴并

冠帶命禮部尚書姚夔造其筵賀之成化癸卯濟

寧人 士能自言百二十又三年乃卒弇州別集北京

良鄉人孔無似年四百歲御史金燦召見與之飲

食即仁寶七修彙內鄉李子田為池州同知時有老人百

七歲來見內丘有向指揮百十七歲浙川縣人賣

大用一百三歲順陽趙相百歲新野李老百十餘

歲鄧州郭陵母一百七歲穎州姚老百有六歲其

妻亦百歲內鄉人羅紀可歲崔舉百有二歲出李子田

於堧
注筆

後... 大... 士... 身... 漢... 魏... 晉... 唐... 宋... 元... 明... 清... 國... 民... 華... 中... 華... 人... 民... 共... 產... 黨... 領... 導... 下... 繁... 榮... 興... 旺... 的... 偉... 大... 事... 業... 取... 得... 輝... 煌... 的... 成... 就... 實... 是... 中... 華... 人... 民... 書... 寫... 史... 冊... 的... 珍... 貴... 文... 物... 也... 希... 望... 大... 家... 愛... 護... 和... 珍... 藏... 這... 些... 珍... 貴... 的... 文... 物... 讓... 它... 們... 永... 遠... 傳... 承... 下... 去... 為... 後... 人... 留... 下... 珍... 貴... 的... 文... 化... 遺產... 。



